



DIE GRAS IS ALTYD

GROENER

AAN DIE ANDERKANT

GOED IS NIE GOED GENOEG NIE



PREEKNOTA

Datum: 17/03/2024

1. Hoe baie het jy jousef al met "groener gras" misgis?

2. Wat leer jy wanneer jy jousef met "groener gras" misgis?

Prediker 2:1-11 (DB) 1Ek het toe besluit om die lewe te geniet en uit te vind wat vreugde nou eintlik is. Ook dit was 'n sinlose gejaag na wind. 2Ek het ontdek dat om te lag nie veel sin het nie en dat vreugde nie veel beteken nie. 3Omdat ek na insig in die lewe gesmag het, het ek my toe aan wyn en genot oorgegee. Ek wou vasstel wat goed is vir 'n mens en wat nie. 4Ek het toe groot projekte aangepak: ek het huise gebou, wingerde aangeplant, 5parke en tuine uitgelê, verskillende vrugtebome geplant en 6watervore uitgekap om 'n groot bos met groen bome nat te lei. 7Verder het ek 'n groot klomp werkers, mans en vroue, in diens geneem en hulle kinders my eiendom gemaak. Ek het ook groot troppe vee vir my gekoop, meer as wat enige koning voor my gehad het. 8Hope silwer en goud het ek bymekaargemaak. Ek het talle sangers en sangeresse aangestel, en baie mooi meisies gekry om my gelukkig te hou. 9Naderhand was ek groter en belangriker as enigiemand wat ooit in Jerusalem gewoon het. My soektog na wysheid en insig het ek egter nooit verloor nie. 10Wat ek in dié tyd wou gehad het, het ek gekry. Ek het myself niks ontsê nie. En ek was gelukkig oor wat ek alles bereik het. Dit was die beloning vir al my moeite. 11Toe het ek alles wat ek gedoen het, krities begin ondersoek. Oor my werk en inspanning het ek baie nagedink. En ek het besef dat alles sinloos is. Dit is bloot net 'n mors van tyd. In hierdie wêreld is daar absoluut géén sin nie.

• Goed is nie goed genoeg nie!

3. Wat is die leuens van goed en groener gras?

a) Goed sal jou gras groener maak.

Lukas 12:13-15 (AFR83) 13Iemand uit die menigte sê toe vir Jesus: "Meneer, sê vir my broer hy moet die erfenis met my deel." 14Maar Hy antwoord hom: "Man, wie het My as regter of deler vir julle aangestel?" 15Toe sê Hy vir hulle: "Pas op en wees op julle hoede vir elke vorm van gierigheid, want 'n mens se lewe is nie afhanklik van die oorvloed van sy besittings nie."

b) As jy baie het, is jou gras groener as die res s'n.

c) Hoe gelukkig jy is, hang af van hoeveel jy het.

Filippense 4:10-13 (AFR83) 10Ek was baie bly in die Here dat julle na so 'n lang tyd weer gewys het dat julle nog aan my dink. Nie dat julle my ooit vergeet het nie, julle het net nie die kans gehad om iets te doen nie. 11Ek sê dit nie omdat ek gebrek ly nie, want ek het geleer om my in alle omstandighede te behelp. 12Ek weet wat armoede is en ek weet wat oorvloed is; van alles het ek ondervinding: om genoeg te hê om te eet sowel as om honger te ly, om oorvloed te hê sowel as om gebrek te ly. 13Ek is tot alles in staat deur Hom wat my krag gee.

4. Wat is dit wat jy glo, jou gras groener sal maak?

Matteus 19:16-24 (AFR83) 16Daar het iemand na Hom toe gekom en gesê: "Meneer, watter goeie daad moet ek doen om die ewige lewe te verkry?" 17Hy het vir hom gesê: "Waarom vra jy My uit oor wat goed is? Daar is net Een wat goed is. Maar as jy die ewige lewe wil ingaan, onderhou die gebooie." 18"Watter gebooie bedoel u?" het hy vir Hom gevra. Jesus het gesê: "Dit: Jy mag nie moord pleeg nie, jy mag nie egbreuk pleeg nie, jy mag nie steel nie, jy mag nie vals getuie af lê nie, 19eer jou vader en jou moeder en: jy moet jou naaste liefhê soos jousef." 20"Dit alles het ek nagekom," het die jongman gesê. "In watter opsig skiet ek nog te kort?" 21Jesus het hom geantwoord: "As jy volmaak wil wees, gaan verkoop jou besittings en gee die geld vir die armes, en jy sal 'n skat in die hemel hê. Kom dan terug en volg My." 22Toe die jongman dit hoor, het hy bedruk weggegaan, want hy het baie besittings gehad. 23Jesus het toe vir sy dissipels gesê: "Dit verseker Ek julle: 'n Ryk mens sal moeilik in die koninkryk van die hemel kom. 24Ek stel dit nog sterker: Dit is makliker vir 'n kameel om deur die oog van 'n naald te kom as vir 'n ryke om in die koninkryk van God te kom."

Lukas 19:1-5 (NLV) 1Jesus het Jerigo binnegegaan en deur die stad gestap. 2En daar was iemand met die naam Saggeus; hy was 'n hoof tollenaar en 'n ryk man. 3Hy het sy bes probeer om te sien wie Jesus is, maar hy kon nie vanweë die skare en omdat hy kort was. 4Hy het vooruit gehardloop om voor te kom en in 'n vyeboom geklim om Jesus te sien omdat Hy daar sou verbygaan. 5Toe Jesus by dié bepaalde plek kom, het Hy opgekyk in die boom en vir Saggeus gesê: "Saggeus, klim haastig af, want Ek moet nog vandag by jou tuisgaan."

5. Wat moet jy begin doen, om jou gras groener te beleef?

Jesaja 55:1-3 (NLV) 1"Almal wat dors is, kom na die water toe. Selfs al het jy geen geld nie, kom, koop en eet. Kom, koop wyn en melk sonder prys en geld. 2Hoekom spandeer julle julle geld op dit wat nie brood is nie? Hoekom werk julle vir iets wat nie kan versadig nie? Luister mooi na My, dan sal julle eet wat goed is, en versadig kan word met die beste wat te kry is! 3Luister tog, kom na My toe. Luister na My dat julle kan lewe. Ek is gereed om 'n ewige verbond te sluit. Ek wil my troue liefde aan julle betoon soos Ek aan Dawid belowe het."

6. Kies vandag om God se uitnodiging te aanvaar en gaan na Hom toe.



Dienste word aanlyn uitgesaai op Facebook en YouTube asook op IFM 102.2 en via klankstroom op www.ifmradio.co.za / www.kg.org.za



KONTAKPERSONE:

Gemeentepredikant: MARIUS MALAN - 082 804 0436 marius@kg.org.za

Gemeentebestuurder: RIAAN PELSER - 082 775 7147 riaan@kg.org.za

Faktotum: ANDRÉ VAN DER WALT - 073 960 9499 andre@kg.org.za

PREDIKANTE:

13 - 18 jaar: KATIE REIMERS 016 004 0016 | katie@kg.org.za

FRANCO PIENAAR 074 885 2511 | franco@kg.org.za

19 - 29 jaar: TOMMIE ARPIN 082 342 6245 | tommie@kg.org.za

30 - 39 jaar: JONATHAN MÜLLER 064 658 6636 | jonathan@kg.org.za

40 - 49 jaar: EDOHAN BURGER 084 570 0669 | edohan@kg.org.za

50 - 59 jaar: NICO VAN AS 082 973 3895 | nico@kg.org.za

60 jaar en ouer: 016 004 0016 | navrae@kg.org.za

Hoek van Ravel- en Abrahamstrate Mantevrede, Vanderbijlpark 016 004 0016 / navrae@kg.org.za

KONTANTLOSE BYDRAES



BANKBESONDERHEDE: Kompas Gemeente Eerste Nasionale Bank Rekeningnommer: 62609813846 Takkode: 250 655